



UNIVERSITÄTS-  
BIBLIOTHEK  
PADERBORN

**Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs  
Tractatus de Prædestinatione, de Trinitate, de Angelis, & de homine

**Gonet, Jean-Baptiste**

**Coloniæ Agrippinæ, 1671**

§. I. Prima sententia rejicitur,

---

[urn:nbn:de:hbz:466:1-77146](#)

minis, quo intellectus agens illuminatphantasma. Suarez lib. 6. de Angelis cap. 13. assert illud quod Angelus illuminans imprimet in Angelum illuminandum, est speciem illius actus, quem per locutionem ei manifestat. Deniq; Scotus in 2. dist. 5. q. 2. existimat illud esse ipsum conceptum formalem, seu actum secundum, quo Angelus illuminatus cognoscit rem de qua illuminatur, ita ut intellectus non efficiat, sed recipiat illam cognitionem.

21. Secundus dicendi modus, quem tenent Bannez & Zumel in praesenti, relati a Nazario, contendit Angelum superiorum efficienter physicè illuminare inferiorem, non quidem imprimendo illi aliquid reale & physicum, ut volunt Autores præcedentis sententia, sed uniendo intelligibiliter suam virtutem intellectivam, sive suum lumine cu, virtute intellectiva, sive lumine intellectuali, Angeli inferioris, & efficiendo unum quodammodo principium cum illo ad cognitionem revelata veritatis.

22. Tertia deniq; sententia docet illuminationem Angelorum fieri solum per modum cuiusdam artificiosi imaginatio, quatenus Angelus superior proponit inferiori objectum, antea ipsi incognitum, modo quodam illi proportionato, & ostendit medium sine conceptum proportionatum ad illud concipientum. Ita Divus Thomas & ejus Discipuli quos sequuntur nonnulli ex extraneis.

#### §. I.

##### Prima sententia rejicitur.

**D**ico primò: Angelus superior non illuminat inferiorum physicè, imprimendo vel causando aliquid in eo;

23. Probatur primò: Si illuminatio Angelorum fieret per impressionem aliquius realis in intellectu Angelii illuminati, Angelus illuminans deberet esse intimè intra intellectum Angelii illuminati: Sed hoc non requiritur ad predicationem illuminationem, immo nec fieri potest: Ergo &c. Major in primis declaratur: Non potest dari actio in distans, ut demonstratur in physica; aliunde vero illud quod imprimeretur, deberet esse spirituale, cui repugnat diffundi per medium: Ergo si Angelus illuminans imprimeret aliquid reale intellectui Angelii illuminati, deberet non solum per suam virtutem, sed etiam per suam substantiam, esse intra intellectum ipsius.

Minor vero quod primam partem satis patet: ad hoc enim ut Angelus inter se loquatur, & consequenter ad hoc ut unus illuminet alium, non requiritur intima conjunctio ipsorum, & omnimoda indistancia: cuius evidens argumentum habemus in anima impij divitis, quæ existens in inferno loquebatur Abraham existenti in limbo Patrum, ut habetur Lucae 16. unde ibidem dicitur: *Elevans oculos vidit Abraham à longe;* & deinde subditur: *Inter nos & vos chaos magnum firmatum est &c.* Quapropter Suarez non satis reformat quod auctor nimirum assertuerat disp. 18. metaph. sect. 8. nimirum absolute esse probabile, quod ad locutionem & illuminationem Angelorum necessariò requiratur indistancia: non satis, inquam, hoc reformat, dum lib. 2. de Angelis capite 18. docet eppositum esse probabilius: non solum enim est probabilius, sed omnino certum de fide reputari, propter evidenter Sacra Scriptura autoritatem jam adductam.

A Dices tamen: Isaiae 6. dicitur de Seraphim: quod alter clamabat ad alterum: Sed locutus clamosa non habet locum, nisi propter distantiam ejus cui loquimur: Ergo videtur quod distantia impedit locutionem Angelorum.

Respondeo ex D. Thoma quæst. 9. de veritate art. 6. ad 3. quod clamor ille quo Seraphim clamasse dicuntur, significabat solum magnitudinem eorum quæ loquebantur, scilicet unum tamen Essentia & Trinitatem Personarum Divinarum, dicentes *sandus &c.* vel etiam ardorem affectus: nam utat Gregorius liber. 2. Morals. cap. 4. *Tantò quisque minus clamat, quanto minus defiderat.*

B Probatur eadem Minor quoad secundum p. tem, quod scilicet non solum possit illuminari fieri sine illa intima coniunctione illuminandi cum illuminato, verum etiam quod coniunction illa sit penitus impossibilis: quia illa est vera illapplus unius Angeli intra intellectum alterius: nulla autem creatura potest illabi intra mentem alterius: *hac enim prærogativa summo & circumscripto spiritui reservatur,* inquit Bernardus serm. 5. Cant. Vel ut loquitur D. Thom. in 2. dist. 8. qu. 1. art. 5. ad 3. In essentiam non intrat, nisi ille qui est esse, scilicet Deus Creator. Juxta illud Ezechiel. 4. Porta hac clausa erit: non aperietur, & vir non transibit per eam: quoniam Dominus Deus Israel regnabit per eam.

C Respondet Suarez, illapsum quem SS. Patres attribuunt soli Deo, esse tantum illum per quem illabens continet cum plena potestate & dominio rem in quam illabitur, in suo esse conservando illam: quia illabi in aliquam rem, non est in eum; esse in illa, sed esse intra terminos essentiae ipsius, hoc est intra existentiam: ex eo autem quod unus Angelus speciem, aut aliquid aliud intra intellectum alterius producat, non potest operari intra terminos essentiae illius, sed possit supra illos; quia prædicta species habet se per modum circumstantis existentiam Angelii, & recipitur in ejus intellectu prius existente: unde ad summum potest inferri quod Angelus illabitur in effectum illum a se productum, non vero in substantiam & intellectum Angelii.

D Sed contra primò: Divus Thomas 3. p. quæst. 6. 4. art. 1. ait: quod solus Deus operatur (per modum principalis agentis) interiori affectione sacramenti, quia solus Deus illabitur anima in qua sacramentum effectus existit: Ergo ex Divo Thoma non solum illapsus qui fit per modum continetis & dantis esse, seu qui est intra terminos essentiae, sed etiam ille quo aliquid reale & physicum, in mentem alterius imprimitur, seu efficitur, soli Deo proprius est, & nulli creaturæ, saltem ut causa principalis, potest competere.

E Deinde, Cum species intelligibiles vel sinergosæ proprietates Angelii, ut quidam existimant, vel salem sint accidentia ei connaturalia debita, ut alij probabilius sentiunt, solus ille potest eas per modum causæ principalis intellectum angelico imprimere, qui potest naturam Angelii creare & conservare: Ergo si unus Angelus non possit illabi intra mentem alterius, per modum dantis & conversantis ipsius esse, non potest etiam intra eam illabi per modum cantamus & producentis in ea species intelligibiles.

F Probatur secundò conclusio: Si Angelus superius illuminaret inferiorē, physicè imprimendo aliquid in eo, vel illud sic impressū, est aliquid

lumen intellectuale, vel aliqua ejus intensio, vel nova aliqua species intelligibilis, vel qualitas quedam intentionalis, ad modum virtutis instrumentalis, lumen quo intellectus agens illuminat phantasmatum, vel deniq; p̄fmet actus secundus quo Angelus illuminatus cognoscit objectum de quo illuminatur? Nullum ex his omnibus dici potest: Ergo Angelus superior non illuminat inferiorem, imprimis aliquid in eo. Major constat ex sufficienti modorum explicandi hanc causitatem physicam enumeratione. Minor vero probatur ligillatim. Et primò quod Angelus superior non illuminet inferiorem causando in eo aliquid lumen intellectuale, vel aliquam ejus intentionem, manifestum videtur: quia vel illud lumen esset naturale, nempe potentia intellectiva Angelii illuminati, vel supernaturale? Non naturale, ejus enim producere solum pertinet ad creatorem naturae angelicæ, quia una cum ipsa, tanquam ejus proprietas creator: quod idem de ejus intensione (si sit intensibile) necessario debet admitti; qua siicut illud solum agentis potest intendere calorem, qui vel ipsum producere, ita Deus solum potens producere lumen naturale Angelii, valet illud intendere. Dixi autem, si sit intensibile: nam potentiae naturales non sunt capaces augmenti incrementi vel extensivi, ut docetur in Philosophia,

qua non habent latitudinem gradualem variabiliter, sed in ipso instanti generationis diminutam naturam ut principio radicali, ex vi actionis generative, cum tota perfectione intensiva, subiecta ut habitualiter extensa ad totam sui obiecti latitudinem: in quo differunt ab habitibus, quin prima sui productione non se extendunt ad totam latitudinem, quam objectum ipsum importat de materiali; sed acquirunt per actus repetitos augmentum perfectionis intensive & extensiva: de quo videri possunt Complementa in Tractatu de generatione, disput. de augmentatione qualitatum.

Quod vero lumen illud non sit supernaturale patet: Tum quia D. Thomas hic art. i. ad 2. ut. Quod unus Angelus non illuminat alium, tradidit lumen natura, vel gratia, vel gloria. Tum etiam, quia illuminatio est interdum de rebus naturalibus, ad quas cognoscendas lumen supernaturale non requiritur. Tum deniq; quia lumen supernaturale non potest produci nec intendi nisi a Deo ut auctore supernaturali, ut in habitibus supernaturalibus constat.

Nec dicas quod licet unus Angelus non posse principaliter producere lumen supernaturale in intellectu alterius, bene tamen instrumentari: quia cum instrumenta divinae virtutis non debent necessario suppositaliter contingere substantiam in quo producent esse, cum causa principialis, non inde inferatur illapsus; sicut Sacramenta non illabuntur essentialia anima, cum nea producent instrumentaliter gratiam. Ad hoc enim dicendum est, quod eti detur, hac ratione non convinci, unum Angelum non posse in alterius intellectu ut instrumentum divinae virtutis lumen aliquod producere, certum tamen est, illuminationem non fieri hoc modo: unum Angelus illuminat alium, ob plenitudinem lucis quam copiosè recipit a Deo, non autem ex eo solum quod moveatur illo per modum instrumenti, ad lucem in alterius intellectu producendam; quomodo posset etiam lapidari qualibet alia res insensibilis, hujusmodi

Tom. II.

A lucem producere: unde si unus Angelus nequit lumen aliquod per modum causæ principialis in alterius intellectu producere, evidenter sequitur illum nationem non fieri per physicam lumen impressionem.

Secundò, quod non posse Angelus superior novam aliquam speciem in intellectu Angelii inferioris producere, constat ex dictis supra disp. 6. art. 3. ubi ostendimus Angelum non accipere species à rebus, etiam spiritualibus, sed solum à Deo in primo instanti sue productionis. Cum enim Angelus sit medium inter Deum & anima rationalem, & Deus sit semper in actu secundo intelligenti, anima vero nostra in potentia ad actum primum ordinis intellectualis, & veluti tabula rasa in ordine ad formas intelligibiles, natura angelica daber habere ab initio omnem perfectionem requisitam ad actum primum intelligenti, subindeq; recipere à Deo in primo instanti sue creationis species intelligibiles, quibus intellectus constituitur in actu primo completer ad intelligentem. Unde D. Thomas qu. 9. de veritate art. 1. ad 10. ait: *Quando unus Angelus ab alio illuminatur, non infunduntur ei nova species, sed ex eisdem species quas prius habebat, intellectus ejus, confortatus per lumen superiorum, efficitur plurimum cognoscitivum.*

C Nec valet si dicas, hunc discursum procedere tantum de perfectione requisita ad actum primum, naturalem, non vero ad supernaturalem: illuminatio autem est plerumq; de rebus supernaturalibus. Ad hoc enim facile responderur, quod perfectio gratia conformatur perfectioni naturæ, & eam afficit, ac perficit secundum modum ipsius, unde quamvis Deus potuerit non communicare Angelis ullam perfectionem supernaturalem, hoc ipso tamen quod illos ad hujusmodi perfectionem ordinavit, debuit eam ipsis communicare juxta modum ipsorum; ob quam rationem diximus loco citato, eos non discurrere eriam circa supernaturalia.

D Tertio, quod Angelus superior non causet in intellectu inferioris aliquam qualitatem intentionalem, ad modum virtutis instrumentalis, si vel lumen quo intellectus agens illuminat phantasma, sic demostratur. Et contra perfectionem naturæ Angelii, etiam inferioris, & modi perfecti intelligenti ipsius, quod intelligat ut instrumentum Angelii sibi superioris; sic autem intelligeret res de quibus ab eo illuminatur, si illuminaretur ab illo per qualitatem intentionalem, ad modum virtutis instrumentalis in ejus intellectu productam; sicut phantasma ex eo quod recipiat ad modum virtutis instrumentalis lumen quo intellectus agens ipsum illuminat, concurrit consequenter per modum causæ instrumentalis ad intellectu, ut docetur in libris de anima.

E Deniq; quod Angelus superior non efficiat in intellectu inferioris ipsum conceptum formalem, seu actum secundum, quo cognoscit rem de qua illuminatur, illo merè passivè se habente, ut docet Scotus, videtur certum: quia cum intellectus sit essentialiter actus vitalis & immaterialis, non potest esse ab alio principio extrinseco quam a Deo, & debet elicere ab eodem principio in quo recipitur; viventia enim, in quantum hujusmodi, sunt ea quæ se movent.